


古聖賢為傳畧


四



漢書門			
二	二	二	二
一	三	六	九
六	三	六	九
冊	架	函	號

內閣文庫			
二	二	二	漢
九	二	二	書
函	一	六	
五	六	九	
架	冊	號	類

內閣文庫		
番號	漢	2269
冊數	16	(4)
函號	290	47



日  
本  
書  
院

非  
交  
原  
藏  
書  
印

朝  
隱  
君  
像

古聖賢像傳畧卷四



長洲  
顧  
元  
相  
舟  
輯

古聖賢像傳畧卷四

公姓郭諱泰字林宗太原介休人家貧好學早孤辭母遊洛陽與  
李膺為友膺歸鄉里與公同舟眾賓望之如神仙世傳為李郭仙  
舟嘗於梁陳間遇雨巾一角墊時人乃故折巾一角以為林宗巾  
其見慕如此范滂謂其隱不違親貞不絕俗天子不得臣諸侯不  
得友蓋確論云

范滂 李膺 郭泰 林宗



公姓范諱滂字孟博汝南伊陽人少厲清節舉孝廉光祿四行時  
 冀州饑荒盜起公為清詔使登車攬轡慨然有澄清天下之志及  
 至州境守令望風解印綬去後以鈎黨坐繫既釋復見收母曰汝  
 今得與李杜齊名死亦何恨公跪受教再拜而辭顧其子曰吾欲  
 使汝為惡則惡不可為使為善則我不為惡聞者流涕

趙 議 鄭 像



公姓趙諱歧字邠卿長陵人初名嘉字臺卿少明經有才藝卧重  
 疾七年其後疾瘳梁冀辟為皮氏長時宦官唐衡橫虐天下公恥  
 之即日棄官西歸唐衡兄瑗為京兆進不由德公及從兄襲又數  
 為貶議瑗恨之收公家屬盡殺之公自匿姓名賣餅北海市中安  
 邱孫嵩遊市見公察非常人密問曰視子非賣餅者不有重怨即  
 亡命乎我北海孫賓石闔門百口勢能相濟公素聞嵩名遂以實  
 告嵩載與俱歸藏於複壁中著孟子章句及諸唐死遇赦出興平  
 元年拜太常建安六年卒年九十餘

蔡邕像



公姓茅諱容字季偉陳留人年四十餘耕於野避雨樹下眾皆夷  
踞公獨危坐愈恭郭泰見而異之因請寓宿旦日公殺雞為饌泰  
意謂為已設既而供母自以草蔬與客同飯泰起拜曰卿賢乎哉  
因勸令學卒以成德

徐 徽 君 像



古聖賢像傳卷四

五

公姓徐諱穉字孺子豫章南昌人家貧躬耕非力不食太守陳蕃  
請署功曹公來設一榻去則懸之後舉有道拜太守皆不就陳蕃  
等薦其德行純脩宜登三事桓帝以安車徵之不至

黃 奭 像



公姓黃諱香字文彊安陸人事親至孝夏月扇枕席冬則以身温  
 被九歲失母思慕憔悴太守劉護召署門下甚見愛敬公博學經  
 典能文章京師號曰天下無雙肅宗詔管樞機公亦祇勤物務憂  
 公如家

黃 忠 貞 像





公姓黃諱瓊字世英安陸人香子永建中公卿多薦公者徵至拜  
議郎稍遷尚書僕射公爭議朝堂莫敢抗奪尋遷太尉封邠鄉侯  
首居公位舉劾貪污海內翕然望之卒贈車騎將軍諡曰忠侯

黃 瓊 字 世 英



公姓趙諱壹字元叔漢陽西縣人體貌超羣恃才倨傲舉郡上計到京師是時司徒袁逢受計計吏數百皆拜伏庭中莫敢仰視公獨長揖逢望而異之令左右讓之曰下郡計吏而揖三公何也公曰昔酈食其長揖漢王今揖三公何遽恠哉逢斂衽下堂延置上坐顧謂坐客曰此漢陽趙元叔也朝臣莫有過之吾請為諸君分坐一時士大夫想望其風采未幾西還十辟公府皆不就終于家

杜陵先生像



古聖賢像傳卷四

九

公姓杜諱喬字叔榮林慮人少為諸生舉孝廉辟司徒楊震府遷南郡太守轉東海相入拜侍中時梁冀專權公正色不撓卒為所害

李育貞像



古聖賢像卷四

公姓李諱固字子堅南鄭人狀貌有奇表好學負笈從師究覽墳籍陽嘉中公卿舉固對策鯁切順帝拜議郎冲帝拜太尉後為梁冀所害天下痛惜之

李固中書



公姓皇甫諱規字威明安定人延熹中上疏論羗事三公舉為中  
郎將討平先零諸種官度遼將軍解官歸鄉後黨人染逮時賢公  
自以西州豪傑不得與上疏自言臣前亦附黨宜坐之朝廷知而  
不問復遷宏農太守封壽城亭侯再轉為護羌校尉熹平三年卒  
年七十一

董 子 像



公姓董諱永千乘人少失母獨養父流寓孝感父亡無以葬乃從人貸錢一萬日後無錢還君當以身作奴葬父畢將往為奴忽道遇一婦人求為公妻曰願為君婦不恥貧賤公遂與婦共詣錢主錢主令公織縑三百疋以償織一月而畢夫婦二人同返至舊相逢處婦辭去曰我天之織女感君之至孝天使我為君償債君事了不得久停語訖凌空而去

董永 子 孝 上



公姓丁諱蘭河內人少喪考妣不及供養乃刻木為親形像事之  
如生朝夕定省後鄰人張叔醉罵木像以杖敲其頭公還見木像  
色不懌問其妻具以告之即奮擊張叔吏捕公公辭木像去木像  
見公為垂淚郡縣嘉其至孝通於神明奏之詔圖其形像

像 像 尊 田



公姓田諱疇字子春無終人董卓之亂公率宗族及附從者數百人入徐無山中躬耕養親百姓翕然服其威信魏曹操北征署為司空戶曹掾後論功行封公固讓終不屈文帝即位重公德義賜其從孫關內侯

諱疇字子春



古聖賢像傳卷四

左



公姓蔡諱邕字伯喈陳留圉人性篤孝母病公不解襟帶者七旬  
 少博學好詞章妙音律召拜郎中校書東觀以言事髡鉗中平六  
 年董卓辟召三日之間周歷三臺卓誅公在王允座言之而嘆允  
 收公付廷尉遂死獄中

龐隱君像



公姓龐諱德公南郡襄陽人居峴山南未嘗入城府荊州刺史劉表數延請不屈乃就候之公方耕壟上妻饁於前相肅如賓表問曰先生不肯官祿將何以遺子孫乎公曰人皆遺之以危我獨遺之以安後攜妻子隱鹿門山因採藥不返

徐元直像



公姓徐諱庶字元直潁川人初從昭烈在樊曹操來攻獲公母公辭昭烈而指其心曰本欲與將軍共圖王霸之業者以此方寸之地耳今失老母方寸亂矣無益於事請從此辭遂詣操

美平心像



公姓姜諱維字伯約天水人初仕魏為郎中後入蜀漢詣諸葛亮  
累遷征西將軍亮卒還成都與費禕共錄尚書事封平襄侯遷征  
西大將軍

鍾 育 傳 像



公姓鍾諱繇字元常穎川長社人官御史中丞破郭援平張晟拜  
 魏相國善書法若飛鴻戲海舞鶴遊天文帝即位拜榮昌鄉侯加  
 太尉明帝即位進為定陵侯遷太傅有膝疾拜起不便時華歆亦  
 以高年疾病朝見皆使載輿車虎賁上殿就坐自後三公有疾  
 遂為故事

周 顛 將 像



公姓周諱瑜字公瑾廬江舒人英達夙成有文武籌畧與吳孫策相友善以公為中郎將時年二十四吳中皆呼為周郎策薨命與張昭共掌國事曹操入荊州劉琮降操得其水軍將下江南孫權用公計大破操於赤壁年三十六卒於巴邱

陸昭侯像



古聖賢像傳卷四

三

公姓陸諱遜字伯言吳人始任幕府歷東西曹令史呂蒙謂吳主  
權曰陸遜意思深長才堪負重終可大任權乃召拜偏將軍右都  
督代蒙屯陸口以功封華亭侯進封婁侯黃武初破蜀漢兵於夷  
陵改封江陵侯尋入相卒年六十三孫休時追諡昭侯

陸 遜 像



古聖賢像傳卷四

三

公姓陸諱抗字幼節吳人遜子建安初拜都督信陵西陸夷道樂鄉公安諸軍事晉羊祜率師向江陵公使兵輕躡之祜引軍還公無矜色故得士心後拜大司馬荊州牧臨終上疏以西方為屬史稱其貞亮籌幹咸有父風

張 肅 相 像




古聖賢像傳卷四

三



公姓張諱悌字巨先襄陽人歷官至丞相晉兵伐吳公督沈瑩諸  
葛靚諸軍逆之牛渚大敗靚欲遁去使迎公公不肯去靚自往牽  
之公垂涕曰仲思今日是我死日也我作兒童時便為卿家丞相  
所識拔常恐不得其死負名賢知顧今以身殉社稷復何遁耶靚  
流涕而去公遂為晉軍所殺



天孫王后

